

Kvennalistinn:

Stefnir á framboð um allt land í vor

„Við skorum á konur almennt að stuðla að og styðja framboð kvenna hvar sem er á landinu. Við bindum þá áskorun ekki sérstaklega við Kvennalistann þótt við viðum sjá framboð Kvennalistans sem víðast. Það er mikilvægt að konur verði mjög sýnilegar eftir næstu sveitarstjórnakosningar og láti verulega til sín taka því okkur finnst sjónarmið kvenna heyrast allt of lítið,“ sagði Kristín Halldórsdóttir, starfsmaður þingflokks Kvennalistans og fyrrverandi al-

þingismaður, við DV.

Á landsfundi Kvennalistans, sem haldinn var að Lóngumýri í Skagafirði um síðustu helgi, var samþykkt áskorun til kvenna að stuðla að og styðja framboð kvenna um allt land í komandi sveitarstjórnakosningum. Í kosningunum 1990 var Kvennalistinn með sérstakt framboð í Reykjavík, Kópavogi, á Selfossi og Ísafirði. Á öðrum stöðum voru kvennalistakonur í framboði á sameiginlegum listum.

-hlh